

ЭРДЭНЭ РЕСУРС ХУВЬЦААНЫ НЭГТГЭЛИЙН ТАЛААР ТАНИЛЦУУЛЛАА

Хэвлэлийн мэдээ
Нова Скошиа муж, Халифакс хот
2025.08.25

Эрдэнэ Ресурс Девелопмент Корп. (TSX:ERD; MSE:ERDN; OTCQB: ERFCF) ("Эрдэнэ Ресурс" эсвэл "Компани") нь 2025 оны 6 сарын 25-нд хуралдсан хувьцаа эзэмшигчдийн ээлжит хурлаар Компанийн гаргасан болон арилжиж буй зургаан (6) энгийн хувьцаа ("Энгийн хувьцаа")-г нэг (1) энгийн хувьцаанд нэгтгэх талаар хэлэлцэн баталсан ба хувьцааны нэгтгэлийн ("Нэгтгэл") хүрээнд дараах мэдээллийг танилцуулахад таатай байна.

Хувьцааны нэгтгэл

Компанийн Төлөөлөн Удирдах Зөвлөл нь эрх бүхий байгууллагуудаас шаардлагатай зөвшөөрлийг авснаар хувьцааны нэгтгэлийн Хүчин төгөлдөр болох өдөр ("Effective date")-ийг 2025 оны 9 сарын 2-ны өдрөөр тогтоосон. Хувьцааны нэгтгэлтэй холбоотойгоор 2025 оны 8 сарын 27-ны өдрөөс эхлэн Монголын хөрөнгийн бирж дээрх компанийн энгийн хувьцааны арилжаа түр хугацаанд зогсох бөгөөд харин Торонтогийн хөрөнгийн бирж дээрх арилжаа зогсохгүй үргэлжилнэ. Хувьцааны нэгтгэлтэй холбоотойгоор нэгтгэлийн дараа бутархай хувьцаа гаргахгүй. Нэгтгэлийн үр дүнд бий болох аливаа бутархай хувьцааг хамгийн ойрын бүхэл тоонд дээш нь тоймлож тооцно.

(Доорх мэдээлэл нь Торонтогийн хөрөнгийн биржид бүртгэлтэй хувьцаа эзэмшигчдэд хамаатай)

Хувьцааны нэгтгэлийн дараа компанийн энгийн хувьцаа Торонтогийн хөрөнгийн бирж дээр "ERD" тикертэйгээр, шинэ CUSIP: 29480N404 болон шинэ ISIN: CA29480N4049 дугаартай арилжигдана. Торонтогийн хөрөнгийн бирж дээр нэгтгэлийн дараах арилжааг 2025 оны 9 сарын 5-ны өдөр эсвэл түүнтэй ойролцоо огнооноос эхлүүлнэ.

Бүртгэлтэй хувьцаа эзэмшигчид нь Хүчин төгөлдөр болох өдрөөс хойш аль болох богино хугацаанд өөрсдийн нэгтгэлийн өмнөх энгийн хувьцааг солих зааварчилгааг багтаасан хувьцаа шилжүүлэх өргөдлийн маягт ("Letter of transmittal")-ыг компанийн бүртгэгч агентаас хүлээн авах болно. Мөн маягтад нэгтгэлийн өмнөх энгийн хувьцааны гэрчилгээг хэрхэн бүртгэгч агентад буцаан хүргүүлэх зааварчилгааг багтаасан. Бүртгэгч агент нь хувьцаа шилжүүлэх өргөдлийн маягтын дагуу зааварчилгааг биелүүлсэн хувьцаа эзэмшигчдэд нэгтгэлийн дараах бүхэлдсэн

энгийн хувьцааны тоо ширхэг бүхий шинэчилсэн хувьцааны гэрчилгээг хүргүүлэх; эсвэл нэгтгэлийн дараах бүхэлдсэн энгийн хувьцааны тоо ширхэг бүхий DRS мэдэгдэл/хуулгыг хүргүүлнэ.

Бусад хувьцаа эзэмшигчдийн хувьд нэгтгэлийн дараа энгийн хувьцааг хүлээн авахтай холбоотойгоор аливаа үйлдэл хийх шаардлагагүй. Зуучлагчаар (үнэт цаасны брокер, банк, итгэмжлэгч компани, хөрөнгө оруулалтын болон бусад санхүүгийн байгууллага г.м) дамжуулан нэгтгэлийн өмнөх энгийн хувьцааг эзэмшдэг хувьцаа эзэмшигчид хувьцааны нэгтгэл хэрхэн хийгдэх үйл явцын талаар тодруулга авахыг хүсвэл өөрийн зуучлагчтай шууд холбогдох шаардлагатай.

Энэхүү хэвлэлийн мэдээ гарах өдрөөр Компани нь нийт 366,231,958 энгийн хувьцааг гарган, арилжиж байна. Хүчин төгөлдөр болох өдрөөр хувьцааны нэгтгэлийг хийснээр нэгтгэлийн дараах гаргасан болон арилжих энгийн хувьцааны тоо ширхэг 61,038,660 орчим болохоор байгаа ба бутархай хувьцааг дээш тэнцүүлэн бүхэлдэх үйл явцаас шалтгаалан өөрчлөгдөх боломжтой.

Хувьцааны нэгтгэлтэй холбоотой мэдээллийг 2025 оны 5 сарын 20-нд танилцуулсан Компанийн Хувьцаа эзэмшигчдийн ээлжит хурлын мэдэгдэл болон удирдлагын мэдээллийн танилцуулга буюу SEDAR+, www.sedarplus.ca дахь Компанийн хуудсаас хүлээн авах боломжтой.

Компанийн тухай

Эрдэнэ Ресурс Девелопмент Корпораци нь 2025 онд Баянхөндий алтны төслийг олборлолтын шат руу хөгжүүлэхээс гадна Монгол Улсад суурь болон үнэт металлын хайгуул, төсөл хөгжүүлэлтийн үйл ажиллагаа эрхэлдэг Канад Улсад бүртгэлтэй хайгуулын компани. Компани нь Монгол Улсад 2 хайгуулын, 3 ашиглалтын тусгай зөвшөөрлийн хувь эзэмшдэг бөгөөд эдгээр хайгуулын бүсэд хийсэн судалгааны үр дүнд Хөндий Алтны Дүүргийг нээн илрүүлсэн. Эрдэнэ Ресурс Девелопмент Корпораци нь Торонто болон Монголын хөрөнгийн биржүүд ба OTCQB Венчур зах зээлд бүртгэлтэй. Компанийн тухай дэлгэрэнгүй мэдээлэлтэй Компанийн вебсайт www.erdene.com-оос танилцах боломжтой. Компанийн талаарх чухал мэдээллүүд нь зөвхөн Компанийн вебсайтаар дамжин хүрдэг тул хөрөнгө оруулагчид вебсайтаар дамжуулан бодит мэдээлэл авахыг зөвлөж байна.

Урьдчилсан таамаглал

Зарим мэдээллүүд нь Үнэт цаасны хуулийн хүрээнд урьдчилсан таамаглалуудыг агуулсан болохыг үүгээр мэдэгдэж байна. Урьдчилсан таамаглал нь урьд болж байсан болон ирээдүйд болох бодит баримт биш ба зөвхөн ирээдүйн төлөвлөгөө, стратеги, төсөл, нөхцөл байдалд тулгуурласан үзэл баримтлал, магадлал болон таамаглал болно. Энэхүү таамаглалууд нь тодорхой үндэслэлд тулгуурласан боловч баталгаа биш юм. Компанийн үйл ажиллагаа нь олон хүчин зүйлээс шалтгаалах бөгөөд зарим хүчин зүйлс нь Компанийн хяналтаас давсан байх магадлалтай ирээдүйд учирч болох хүчин зүйлс юм. Материаллаг өөрчлөлт үзүүлэх

боломжтой хүчин зүйлсэд эрдсийн зах зээлийн үнэ, хайгуулын үр дүнгүүд, бизнесийн болон зах зээлийн орчин, эдийн засгийн байдал болон санхүүжилт, хөрөнгө босголт зэрэг орно. Дээр дурдсан мэдээллүүд нь ирээдүйд өөрчлөгдөн хувирах магадлалтай. Компани нь Үнэт цаасны хуульд өөрөөр заагаагүй тохиолдолд Урьдчилсан таамаглалыг өөрчлөн, шинэчлэх үүрэг хүлээхгүй.

Энэхүү хэвлэлийн мэдээ нь англи хэл дээр бэлтгэгдсэн хэвлэлийн мэдээний орчуулга болно. Англи, монгол хувилбаруудын хооронд зөрүү эсвэл зөрчилдөх зүйл гарвал англи хэл дээрх хувийг мөрдөнө.

ЭНЭХҮҮ МЭДЭЭЛЛИЙГ ОЛОН НИЙТЭД ТАНИЛЦУУЛАХАД ЯМАРВАА НЭГЭН ЗАСАГ ЗАХИРГААНЫ БАЙГУУЛЛАГА ЗӨВШӨӨРСӨН, ҮЛ ЗӨВШӨӨРСӨН МЭДЭГДЭЛ ХИЙГЭЭГҮЙ.

Холбоо барих:

Петер К. Акерли, Ерөнхийлөгч болон гүйцэтгэх захирал
Роберт Женкинс, Санхүү хариуцсан захирал

Утас: (902) 423-6419

И-мэйл: info@erdene.com

Twitter: <https://twitter.com/ErdeneRes>

Facebook: <https://www.facebook.com/ErdeneResource>

LinkedIn: <https://www.linkedin.com/company/erdene-resource-development-corp-/>